

**Generalno tajništvo Vijeća ministara Bosne i Hercegovine**, Trg Bosne i Hercegovine broj 1, 71000 Sarajevo, kojeg zastupa generalni tajnik mr. Robert Vidović (u daljem tekstu: Korisnik)

i

**Novinska agencija Republike Srpske „Srna“ a.d., Sofke Nikolić 51, 76 300 Bijeljina**, kojeg zastupa <sup>Vidi</sup> direktor *Tatjana Paradina* (u daljem tekstu: Izvršilac)

Temeljem Odluke o izboru najpovoljnijeg ponuđača broj: 06-16-3-937-8/24 od 13.05.2024. godine, zaključili su sljedeći:

## **U G O V O R**

### **o pružanju usluga generalnog servisa vijesti iz Republike Srpske**

#### **Član 1.**

Predmet ovog Ugovora je zasnivanje pretplatničkog odnosa na Generalni servis između Korisnika i servisa – „Srna“. Potpisivanjem ovog Ugovora Korisnik stiče pravo da od servisa – „Srna“ preuzima Generalni servis na najmanje jednom službenom jeziku u BiH.

#### **Član 2.**

Cijena mjesečne naknade za korištenje ugovorene usluge ovog ugovora bez PDV-a iznosi 462,96KM (slovima:četiristotinešezdesetidva i 96/100KM).

Ukupna cijena usluge za period trajanja ugovora bez PDV-a iznosi 5.555,55KM (slovima:pethiljadapetstotinapedesetipet i 55/100 KM).

Ukupna vrijednost ugovora sa PDV-om iznosi 6.499,99KM (slovima: šestihljadačetiristotinedevedesetidevet i 99/100KM)

Vrijednost ugovorene usluge je fiksna i ne može se mijenjati za vrijeme trajanja ovog Ugovora.

#### **Član 3.**

Izvršilac se obavezuje na kraju svakog mjeseca ispostaviti račun za izvršene usluge u iznosu od 541,66KM sa PDV-om na adresu Korisnika za izvršene usluge, a Korisnik se obavezuje isti platiti u roku od 15 (petnaest) dana od dana dostave.

Uplaćuje se na žiro račun „555-001-0000764426“ kod Nove banke Bijeljina.

#### **Član 4.**

Izvršilac se obavezuje da Korisniku dostavi korisničko ime i šifru za pristup servisu „Srna“.

#### **Član 5.**

Izvršilac se obavezuje da će u pružanju korisničkih usluga poštovati brzinu i standarde agencijskog izvještavanja i da je odgovorna za sadržaj i tačnost svake objavljene vijesti.

#### **Član 6.**

(1) Izvršilac se obavezuje da će imati dopisnike koje imaju široko razgranatu dopisničku mrežu u Republici Srpskoj, sa dopisnicima koji medijski pokrivaju sve gradove u Republici Srpskoj, kao i Brčko distrikt, te koje su proizvodima prvenstveno usmjerene prema medijima kao svojim korisnicima sa ponudom vijesti iz BiH, unutrašnje politike iz RS, svijet, ekonomski servis, najava događaja, foto i

video servis. Također da usluge Generalnog servisa vijesti obuhvataju medijsko praćenje aktivnosti Savjeta ministara Bosne i Hercegovine i druge usluge iz oblasti odnosa s javnošću.

(2) Izvršilac usluga se obavezuje da će svakodnevno dostavljati na e-mail ili omogućiti pristup svom portalu sa svim vijestima, potom plasirati saopštenja i druge informacije o Savjetu ministara Bosne i Hercegovine u uredničkoj obradi. Također, izvršilac usluga se obavezuje da će kvalitetno i stručno vršiti uslugu dostavljanja medijskog sadržaja i otkloniti sve tehničke nejasnoće i eventualne nedostatke u dostavljanju medijskog sadržaja.

(3) Izvršilac se obavezuje izvršiti svu potrebnu pripremu za pružanje usluga odmah po potpisivanju ovog Ugovora, izvršavati sve usluge utvrđene ovim Ugovorom.

#### Član 7.

Korisnik ima pravo da skraćuje tekstove emitovane kroz servis „Srna“, ali tako da se dosljedno drži navedenih činjenica i smisla sadržanog u originalu teksta.

#### Član 8.

U slučaju neizvršavanja obaveza od strane Izvršioca ili Korisnika, ugovorne strane su saglasne da se Ugovor može raskinuti pismenim putem, uz otkazni rok koji ne može trajati duže od 15 dana od dana prijema pismenog zahtjeva za raskid.

#### Član 9.

Izvršilac se obavezuje da će medijski pratiti rad korisnika i u tom smislu imati kontakt sa ovlaštenim predstavnicima u cilju objektivnog informisanja.

#### Član 10.

Ovaj Ugovor se zaključuje na period u trajanju od 12 mjeseci, sa početkom primjene od **21.05.2024. godine**.

#### Član 11.

(1) Korisnik i Izvršilac sporazumni su da se eventualni sporovi koji proisteknu iz ovog Ugovora prvenstveno rješavaju međusobnim dogovorom.

(2) Ukoliko se spor ne riješi dogovorom, Obje ugovorne strane sporazumno prihvaćaju odluke nadležnog suda u Sarajevu.

#### Član 12.

Ovaj Ugovor sastavljen je u 4 (četiri) jednaka primjerka, od kojih svaka ugovorna strana zadržava po 2 (dva) primjerka.

Izvršilac  
Novinska agencija Republike Srpske „Srna“

Broj: 01-02-272/24

29.05.2024 god.

Korisnik  
GENERALNO TAJNIŠTVO  
VIJEĆA MINISTARA BIH

Broj: 06-16-3-937-15/24

Sarajevo, 21.05.2024. god.